

本草彙言

十



本草綱目
十五





北京中医药大学图书馆版权所有

木瓜




福安

NANKING UNIVERSITY OF CHINESE MEDICINE
南京中医药大学
1954
南京中医药大学图书馆藏


胡桃



枇杷葉



橡斗子



銀杏



橄欖

枕櫚子

大腹方

荔枝

檳榔





来椒



无花果



椒蜀



胡椒



枳椇子



旱蓬



吴茱萸



甜瓜蒂



茶茗

西瓜



蓮子




甘蔗



鷄豆

子仁



南京中医药大学图书馆版权所有

本草彙言卷之十

果部 果類

杏仁

桃仁

毛果

果

大

梨

木瓜

山楂

柿

石榴皮

橘皮

附青

核

葉

枇杷葉

銀杏

胡桃

榧子

實

檳榔

大腹皮

果部 黃果類

龍眼

荔枝核

橄欖

餘

甘子

枕椰子

無花果

馬欖榔

枳椇子

果部 雜果類



秦椒

蜀椒

阴椒

畢澄茄

吳茱萸

茶茗

畢盧

果部

果類

甜瓜帶

西瓜

沙糖

甘蔗

果部

水果類

蜜子

藕 蓮蓬 菱 芡

白藕 藕絲 藕節

蓮蓬 菱 芡

蓮蓬 菱 芡

蓮蓬 菱 芡

芡實



本草彙言卷之十五

錢塘

倪朱謨純字甫選集

張世臣相如甫校正

男倪洙龍沖之氏藏稿

菓部

菓類

杏仁味甘苦氣溫性利有小毒氣薄味厚濁而沉墜降也
陰也入手太陰經。

李氏曰諸杏葉皆圓而端有尖二三月開淡紅色花妖
嬈艷麗比桃花尤可愛也故騷人詠物與梅並言則曰
梅杏蓋取其葉之似也與桃並言則曰桃杏蓋取其花
之近也有葉多者黃花者千瓣者單瓣者結實實其而
沙曰沙杏黃而酢曰梅杏青而黃曰柰杏金杏大如梨
黃如橘西京雜記載蓬萊杏花五色又按王楙農書云
北方有肉杏赤大而扁曰金剛拳有曰杏熟時色青白
入藥宜山杏敗取仁用修治以沸湯浸去皮尖用○凡
杏桃梅諸花皆五出若六
出必雙仁有毒不可食。

○杏仁溫肺順氣潤燥化痰之藥也張氏曰杏爲心果仁

爲肺之用藥也氣溫而潤散寒結壅閉成疾益肺氣
若肺氣不利而欬逆喘急肺受風寒而咳嗽有痰肺氣
鬱逆而大腸燥結是皆氣滯於肺之證也用此有理氣
順肺開結潤燥之功焉然甘苦而溫又善能解肌開達
腠理故仲景麻黃湯用之亦取其通皮毛有發散之効
也繆氏曰此藥性溫散肺經風寒滯氣殊効第陰虛咳
嗽肺家有虛熱熱痰者忌之

○前賢東垣老人曰杏仁下喘治氣桃仁療狂治血杏仁
桃仁俱治大腸燥結如晝則便難氣病也宜杏仁陳皮
夜則便難血病也宜桃仁陳皮肺與大腸爲表裏賁門

主往來。鬼門主收閉。俱爲氣之通道。故並用陳皮。安
耳。又左慈杏金丹。用杏仁。水浸去皮。曬乾。每日五更。納
嚼七粒。能潤藏府。去塵渣。驅風明目。治肝腎風燥。夫杏
仁性熱降氣。亦非久服之藥。此特咀嚼得法。吞納津液。
以消積穢耳。

方脈正宗

○集方治肺氣不利。或受風寒。或有痰滯。鬱道不通。以致
咳嗽喘急。用杏仁。湯泡去皮。一兩。桑皮。一兩。陳皮。五錢。

甘草二錢五分。分作五劑。每劑加生薑一片煎服。○治

仙景方

冬月傷寒。太陽經分。頭痛發熱。身疼。腰痛。骨節疼痛。惡

風無汗而喘者。宜麻黃湯。用杏仁三十粒。去皮。麻黃一

兩。去節。桂枝八錢。甘草三錢。以水三升。先煮麻黃減半。

去浮沫。納諸藥。煮取半升。溫和服。覆臥取汗。○治久病

大腸燥結。不利。用杏仁八兩。桃仁六兩。俱用湯泡去皮

萐仁十兩。去殼淨。三味總搗如泥。川貝母八兩。陳膽星

四兩。經三製者。同貝母研極細。拌入杏桃萐三仁。以神

麴四兩研末。打糊爲丸。梧子大。每早服三錢。淡薑湯下。

○續補集方。治風虛頭痛如破。用杏仁八兩。去皮研末。水

一斗。研濾汁。煎如腐狀。取和粥食。食完數日後。大汗出

諸風漸減。永不復發。慎風冷猪雞魚麴及一切發氣食

物。○治目上生翳。餅勞肉。或癢或痛。漸覆瞳人。用杏仁

二錢。去皮。真鉛粉五分。研勻。用水調稠。不時點之。

巴旦杏仁。詳載食物本草。

桃仁味苦微甘氣溫無毒氣薄味厚沉而降陰中之陽

手足厥陰經血分

李氏曰桃品甚多華艷稱最不培而蕃且早結實世遂以凡品目之然有黃色者絳色者垂絲者龍鱗者餅子者牡丹者亦凡中之異卉矣若漢上林苑之細桃紫紋桃金蟬桃霜桃崑山巨核桃凌霜花灼後暑實實是又仙凡迥別不可得也又桃譜云其花有紅紫黃白千葉單葉之殊其實有紅桃碧桃湘桃白桃烏桃桃銀桃胭脂桃皆以色名者也有綿桃御桃方桃扁桃偏核桃皆以形名者也有五月早桃十月冬桃秋桃霜桃皆以時名者也又汁中有油桃小於衆桃光如塗油太原有金桃色淡黃洛中有崑崙桃肉紅紫色又有餅子桃狀如香餅子其味皆甘並可供食用惟山中毛桃卽爾雅所謂被桃者小而多毛其仁充滿多脂可入藥用修治以滾湯泡去皮晒乾明。

華子

續

○桃仁

行血

活血之藥也李氏曰桃性早花易植而子繁

長於發生善行善逐其仁多油而直行血分故前古王

瘀血血閉。血結血聚。積滯不行。或產婦惡露畱難。心腹
脹痛。或跌撲傷損。心腹瘀滯。或傷寒太陽隨經瘀熱在
裏。血蓄成狂。或風暑不調。飲食停結。寒熱爲瘧。或婦人
經行未盡。偶感寒熱邪氣。熱入血室。譫語見鬼。皆從足
厥陰肝經受病。肝爲藏血之藏。此藥苦能泄滯。血辛能
散結。血甘溫能通行。一身血絡。凡一切血敗。血阻爲病。
專主之也。又桃爲金木之精。故又能鎮辟不祥。祛除邪
魅。惡氣。繆氏曰。此劑性善破血。凡血結。血秘。血瘀。血燥。
閉血。畜血。血痛。血癢等證。用此立通。第散而不收。利而
無補。如過用之。及用之不得其當。能使血行不止。損壞
真陰。爲害非細。故凡經閉不通。由於血枯。而不由於血